



Concello de Vigo
Secretaría Xeral

INFORME XURIDICO CON PROPOSTA DE RESOLUCION

Expte: 1192/1102

Informe xurídico de solicitude de acceso á información pública

Antecedentes

Con data 11/02/2022 **Telefónica de España, S.A.U., Jefatura Variaciones Planta Externa**, presenta solicitude de "convenio firmado entre la Xunta de Galicia y el Ayuntamiento de Vigo de la entrega del vial de Avenida de Samil. Aproximadamente se firmó en 1984".

Con data 11/04/2022 o técnico superior de arquivos do Arquivo Municipal do Concello de Vigo emite informe no que se fai constar (...) "faltando a documentación orixinal debidamente asinada. (...) Así pois, remitimos copia escaneada do convenio de referencia contido na agrupación documental citada dado que é a única documentación transferida e localizada neste Arquivo municipal referente a consulta realizada."

LEXISLACION APLICABLE

- [Constitución Española de 1978](#)
- [ei 40/2015, do 1 de outubro, do réxime xurídico do sector público \(LRXSP\)](#)
- [Lei 7/1985, do 2 de abril, das Bases do Réxime Local \(LBRL\)](#)
- [Lei 39/2015, do 1 de outubro, do Procedemento Administrativo Común das Administracións Públicas \(LPAC\)](#)
- [Lei 19/2013, do 9 de decembro, de Transparencia, Acceso á Información Pública e Bo Goberno \(LTAIBG\)](#)
- [Lei Orgánica 3/2018, do 5 de decembro, de Protección de Datos Persoais e Garantía dos Dereitos Dixitais \(LOPDGDD\)](#)
- [Regulamento \(UE\) 2016/679 do Parlamento Europeo e do Consello, de 27 de abril de 2016, relativo á protección das persoas físicas no que respecta ao tratamento dos datos persoais e á libre circulación destes datos e polo que se deroga a Directiva 95/46/CE \(RGPD\)](#)

CONSIDERACIÓNS XURÍDICAS

PRIMEIRO.- A Lei 19/2013, do 9 de decembro, de transparencia, acceso á información pública e bo goberno, regula no seu artigo 12 o dereito de acceso á información pública, preceptuando que "Todas las personas tienen derecho a acceder a la información pública,

Copia do documento - Concello de Vigo 1192-1102	Data impresión: 02/03/2023 14:08	Páxina 1 de 4
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

en los términos previstos en el artículo 105,b) de la Constitución Española, desarrollados por esta Ley.

Asimismo, y en el ámbito de sus respectivas competencias, será de aplicación la correspondiente normativa autonómica."

O acceso á información constitúe un verdadeiro dereito subxectivo que se configura de maneira ampla en tanto que son titulares do mesmo todas as persoas sen que as mesmas teñan que alegar interese específico nin ser preciso a motivación da súa solicitude.

Aos efectos da LTAIBG (artigo 13) enténdese por información pública *"los contenidos o documentos, cualquiera que sea su formato o soporte, que obren en poder de alguno de los sujetos incluidos en el ámbito de aplicación de este título y que hayan sido elaborados o adquiridos en el ejercicio de sus funciones."* É precisamente a "información pública" así concibida sobre a que se proxecta o exercicio do dereito de acceso nos termos sinalados no artigo 17.1 LTAIBG: *"El procedimiento para el ejercicio del derecho de acceso se iniciará con la presentación de la correspondiente solicitud, que deberá dirigirse al titular del órgano administrativo o entidad que posea la información"*.

A Lei define o obxecto dunha solicitude de acceso á información en relación a información que xa existe, por canto está en posesión do Organismo que recibe a solicitude, ben porque o mesmo a elaborou ou ben porque a obtivo no exercicio das funcións e competencias que ten encomendadas. E iso, para garantir o obxectivo que persegue a norma e que non é outro que *"ampliar y reforzar la transparencia de la actividad pública, regular y garantizar el derecho de acceso a la información relativa a aquella actividad"* (art. 1 de la LTAIBG).

SEGUNDO.- Respecto da solicitude formulada, por **Telefónica de España, S.A.U., Jefatura Variaciones Planta Externa**, consta informe do técnico superior de arquivos de data 11/04/2022 co que achega a a única documentación transferida e localizada no Arquivo municipal referente a consulta realizada.

TERCEIRO.- A resolución da solicitude correspóndelle á Concelleira de Contratación, Patrimonio e Xestión Municipal segundo Resolución de Alcaldía de delegacións específicas do 26.06.2019.

Polo exposto fórmase a seguinte **PROPOSTA:**

PRIMEIRO.- Estimar parcialmente a solicitude formulada por **Telefónica de España, S.A.U., Jefatura Variaciones Planta Externa**, con data 11/02/2022, e facilitarlle o informe do 11/04/2022, emitido polo técnico superior de arquivos xunto coa única documentación transferida e localizada no Arquivo municipal do Concello de Vigo e co seguinte contido:

"En relación á consulta realizada por Telefónica de España S.A.U., mediante documento rexistrado o 11 de febreiro de 2022, e remitido a este Arquivo municipal con data 11 de abril do mesmo ano, na que se solicita convenio asinado entre a Xunta de Galicia e o Concello de Vigo da entrega da vía da Avenida de Samil do ano 1984, lamentamos

Copia do documento - Concello de Vigo	Data impresión: 02/03/2023 14:08	Páxina 2 de 4
1192-1102		
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

comunicarlle que, tras consultar as bases de datos deste Arquivo municipal, non se ten encontrado a documentación solicitada debidamente asinada.

Tense localizado unha agrupación documental denominada "Convenios cesión vías Xunta de Galicia" (sinatura: NA 11680), remitida pola unidade administrativa "Xestión e Disciplina Urbanística" no ano 1992. Nesta agrupación documental inclúense diversos convenios, proxectos de obras e outra documentación administrativa relacionada. Non obstante, os documentos contidos neste expediente son maioritariamente copias, fotocopias e borradores sen asinar, faltando a documentación orixinal debidamente asinada.

Así pois, remitimos copia escaneada do convenio de referencia contido na agrupación documental citada dado que é a única documentación transferida e localizada neste Arquivo municipal referente a consulta realizada."

SEGUNDO.- Notificarlle a **Telefónica de España, S.A.U., Jefatura Variaciones Planta Externa** e comunicarlle que contra a presente resolución, que pon fin á vía administrativa, poderán interpoñerse os recursos ou reclamacións que a continuación se indican:

- a) Recurso contencioso-administrativo perante o xulgado do Contencioso Administrativo de Vigo, dentro do prazo de dous meses contados desde o día seguinte ao da recepción desta notificación.
- b) Con carácter potestativo, reclamación previa á súa impugnación ante a xurisdición contencioso-administrativa perante o Valedor do Pobo de Galicia, dentro do prazo dun mes a contar desde o día seguinte ao da recepción desta notificación ou desde o día seguinte a aquel en que se produzan os efectos do silencio administrativo. No caso de optar pola reclamación non se poderá interpoñer o recurso contencioso-administrativo ata que aquela sexa resolta expresamente ou se producise a súa desestimación por silencio administrativo.

Todo iso sen prexuízo de calquera outro recurso ou acción que estime procedente".

rs.

A Secretaria de Administración Municipal, Susana Gallardo Fariña

DECRETO: Vista a precedente proposta, **RESOLVO DE CONFORMIDADE COA MESMA.**

Vigo, data segundo sinatura electrónica á marxe

A Concelleira de Contratación, Patrimonio e Xestión Municipal, Dona. Patricia Rodriguez Calviño

Dou fe, a Secretaria de Administración Municipal, Susana Gallardo Fariña

Copia do documento - Concello de Vigo	Data impresión: 02/03/2023 14:08	Páxina 3 de 4
1192-1102		
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Copia do documento - Concello de Vigo	Data impresión: 02/03/2023 14:08	Páxina 4 de 4
1192-1102		
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		